

揚州叢刻



揚州叢刻



揚州水利論

一卷

一
卷

蘇州水滸齋

揚州水利論

□□

闕名

撰

揚州

陳恆和書林刻

高郵州境之西南連郡中以至滁泗天長諸山地勢
爲高東北諸湖蕩與山陽寶應鹽城相接地勢最下
其高者水之所出其源有七十二澗下者水之所歸
凡七十二澗之水皆滙於三十六湖汪洋浩蕩方二
三百里循湖而東有河曰運河有隄曰平津堰凡田
地在堰西者曰西上河在堰東者曰南下河以西高
於東也南北下河之間又有河曰運鹽河其隄曰東
河塘凡田地在塘南者曰南上河塘北者曰北下河

以南高於北故南不曰下河而亦曰上河也堰有閘
數座塘有斗門石礎涵洞數十處遇水則西河藉南
河北河以爲之洩遇旱則南河北河藉西河以爲之
漑言郵之水利者不外乎此然郵之上流有淮黃恃
高堰周橋翟壩爲之障下流有海恃廟灣白駒丁溪
等口爲之洩倘上下流不治郵亦不得自主且運河
西當湖衝東鄰於城今隄益高水益上始則田低於
河繼則城處隄下郵民休戚係於此焉綢繆經畫前
人之章牘具在蓋可忽乎哉

興化縣環縣皆水也或爲溪或爲河或爲湖蕩縈遶

於數百里而城郭居其中洵哉澤國矣且水之來也西北從寶應之廣洋湖西從高郵之海陵溪西南從邵伯之艾陵湖南從泰州之蚌沿河東從各鹽場之梓新車路諸河將欲東注於海必先取道於興而水之去也僅達於鹽城一路漸次而入於海是來多而去少也興地勢之窪下如在釜底西下東高又如側釜是來易而去難也議者咸以多海口爲籌興良策然使上流不治淮黃之奔湍急下縱有海口以爲疏濬而經路紆遠河道淺隘譬以瓶罌之口欲其驟納百斛之水未有不橫溢於四旁者曩時歸仁隄決興

城之不浸者三版耳境內魚鹽之產安能蒙業況瘠田多困波臣或少有收穫以暫給饗殮幾見有茨梁之慶哉今幸上流之隄堰堅固南北之串場河道疏通白駒丁溪草堰諸海口暢流無阻庶幾傾釜底而出之可以轉來水爲去水百餘年水之爲害於興者其無憂乎從來利害不並立水害旣除斯可徐圖水利矣

寶應縣遠城西爲運河其西南西北皆水鄉也史稱魏將軍鄧艾作白水塘立屯可溉田萬二千頃唐長慶中猶鑿大府涇以溉塘南宋時屢議復修不果是

塘利之不講久矣運河爲轉漕通津河隄接汜光白馬諸湖往日上資輸輓下潤田園且菱蘆魚鱉爲利甚夥迨淮黃不循正道漲湖潰隄惟寶應受害最先議者皆以開子嬰溝濬射陽湖爲洩水入海之策及子嬰開矣而水勢不減射陽濬矣而淤淺如故或且尤前言之不效然西隄隔斷湖水溝閘僅能洩漕河之一綫沿海各場閘港閉塞溝之下流何由暢達而射陽赴壑之要衝水經講求以致水流迂緩積沙不能漸洗行不力非言不效也今此溝已建滾水大壩更屢疏下流以及海口況上流隄防永固淮水安瀾

循規以爲善後斯可矣至於洪濟河之撈淺勿懈通
湖閘之啟閉須及時要安不忘危全在經理其事者
得其宜耳

泰州自郡城灣頭折而東者爲上河自高郵邵伯灌
注於東北下鄉者爲下河其上河自斗門入州境距
州僅二十五里耳下河水道三支一自新城殿折而
東北者經于溪秦潼西溪以抵各鹽場一自新城殿
折而直北經魚行以至港口鎮又至凌亭閣與興化
分界一自新城殿折而西北則盡於樊汊與江都接
壤焉上河之高田常苦旱下河之低田常苦澇且上

下河鹽艘千萬絡繹於途而不講開濬以爲漕蓄苦於滯者輒轉瞬而亦苦於旱然則言泰州水利者惟在挑濬及時漕漚得所固東西二壩而使水有所制疏串場河及海口諸閘而使水有所歸卽白塔芒稻之河流外洩之江而運鹽河濬之旣深必不至淺涸下河興化之隄亦未必阻西方之水勿復以曲防詬鄰封也

揚州

下河與上河之變亦未後田西氏之太於更以曲視補
 之河流水賦之五而賦歸而審之則歸以不至於斷
 而南東河文橋口船關而動水自以識唱白辭並餅
 其計者及御前就位取國東西二嶽而樹水自則歸
 其者而轉而水苦然則言水飲水條其計
 揚州水利論終

治下河水論

一卷

一卷

洪可
洪可
水
館

治下河水論

遂甯

張鵬翮

著

揚州

陳恆和書林刻

淮南古澤國也禹貢曰淮海惟揚州田下下賦下上以其地多沮洳爲水所宅也然在上古祇淮而已自元益之以黃泊明又益之以運控引諸流而淮揚之患益深矣下河者揚之江都興化泰州高郵寶應淮之山陽鹽城七州縣迤東際海之地也按陳應芳敬之集云自泰州新城河以至興高寶鹽之間凡爲湖者五十有奇則民生之不墊隘者幾矣康熙二十八年允淮揚士民之請挑濬下河大發帑金以部臣專

領其事相繼未就三十八年正月 上閱視河工

諭前河臣曰下河地方田廬漂沒朕軫念民難屢遣大臣往治不惜數百萬金錢務斯早綏黎庶乃歷年已久未有成功今水勢仍復橫溢漫漫城廬沈沒邱隴以致民多失業於是撤員寢工且曰下河不必復濬如將上河堵築堅固則下河不治而自治矣所以然者下河居運河之下運河又居淮湖之下洪澤隄岸不固則七十二山河之水建瓴東注而運隄壞運隄壞而江興泰高寶山鹽七州縣濱海之民如魚游釜底其勢然也洋洋 聖謨從古言河渠者所未發

然下河爲洩水入海之道道不通則泛漫停蓄亦足爲害此 上諭所以有挑濬下河引積水入海之舊案也前河臣未暇兼顧臣鵬翮奉 命至開海口闢清口塞六壩一稟 皇上成筭上河次第就理負海之地高原亦已種麥惟積水不去乃籌所以宣洩下河積水之法分爲三路高郵泰州興化其南路也寶應其中路也山陽鹽城其北路也余拏舟按視博諏父老洞其曲折於高郵則自南關大壩下起攔馬河訖朱三橋凡三百九十一丈又自車邏壩起攔馬河訖齊家莊凡三百三十丈各開置引河匯入運河經